


大莊嚴經論

第十五

二百四十五  
日五

49219



大莊嚴經論卷第十五

馬鳴菩薩造

姚秦三藏法師鳩摩羅什譯



復次善分別者乃至國土廣大諸事備足知其苦惱捨離而去我昔曾聞世尊昔為菩薩時作大國王貧窮乞匄有來索者一切皆與為苦厄者能作擁護為欲利益一切衆生智慧聰猛又處王位時鄰國王將諸軍衆欲來交戰時菩薩王作是思惟者五欲樂不能調心六根難滿衆具既多復須斷理而擁護之為此衆具生於鬪諍願捨此事不應鬪諍我應更修集隨身勝法即說偈言  
於善觀察時 智者應分別 為事不思慮

後悔無所及

觀察是非必知所在復說偈言

欲如執草炬

亦如衆肉揣

著欲必傷毀

害及於二世

智者應速離

國土衆具等

如此衆具等

終歸必捨弃

寧今受終苦

願莫於後世

受此久長苦

計我冷熱力

堪任摧伏彼

現在明證果

聲譽歎美善

後受苦傷害

雖知已有能

願當護於彼

若當不護彼

彼必傷害身

作是念已逃避入林有一老婆羅門迷失道

路到彼林間菩薩問言汝以何故來至此林

婆羅門言我欲見王菩薩問言何故見王婆

羅門言我今貧困又多債負聞王好施故來  
乞索用以償債遠離貧苦更無所歸唯望王  
恩拯救於我菩薩語言汝並歸去此間無王  
何所歸誠婆羅門聞是語已迷悶躄地不時  
菩薩既見之已深生憐愍作是念已即說偈言  
我以護他故 難捨盡棄捨 我今棄捨已

當以何物與 吾今為斯人 當捨己身命  
說是偈已即時扶接婆羅門起而告之曰汝  
莫愁怖吾當令汝得於財利時婆羅門聞是  
語已心生喜悅菩薩即時用草作索作索已  
訖與婆羅門一切施者我身即是而說偈言  
彼王未得我 心意終不安 汝應以此繩

繫縛於我肘

將至彼王所

令彼王歡喜

當施汝珍寶

金銀諸財物

汝可得大富

彼王復歡喜

生者必有死

壽命會當盡

為救危厄故

雖復喪身命

智者為此死

名之為瓔珞

尔時婆羅門聞是語已甚大歡喜即時以索縛

此菩薩將詣彼王王既見已向婆羅門而說偈言

此為是何人

身色如金山

威光甚赫奕

猶日照世間

面目極端嚴

覩者無不悅

如斯福德者

應作大施主

今日被拘執

苦厄乃如是

我坐師子座

極為可慙恥

彼應處王位

非我之所宜

我之不調順

不應處此坐

時婆羅門聞是偈已白大王言此是王怨王

問婆羅門誰縛此人婆羅門言此實我縛王

言斯人不應為汝所縛汝為妄語即說偈言

彼如大逸象

身力甚強壯

汝今體羸劣

又無兵象力

云何能縛彼

此事不可信

汝可真實說

勿作虛妄言

時婆羅門具陳上事而說偈言

見我失所望

彼人便自縛

彼以悲愍縛

欲以救濟我

如是善丈夫

名稱遍十方

猶如然庭燎

普照於一切

不善人愚癡

滅彼使無餘

庭燎熾然時

能滅令無遺

尔時大王聞是語已即便驚起合掌而言善哉  
善哉真善丈夫汝為救他作如是事即說偈言  
所言大王者 号名曰羅闍 利益於世間  
是故名羅闍 汝今應為王 護持於大地  
唯願今聽我 懺悔諸罪各 我實是嬰愚  
輕躁無智者 汝可還為王 我捨此國去  
汝能令衆生 一切得安樂 餘人悉作王  
遍惱諸世間 即立彼王還歸所止

復次作淨福業應設供養是故應當勤修福  
業我昔曾聞石室國王名象越鞞舉國人民  
共設佛會有一婦人於窓牖中闚看世尊尔



時彼王見女端正即解珠璣遣傍侍臣送與  
彼婦時王左右即白王言彼婦女者是國中  
婦王若愛念直往喚取何煩與珠人脫恠笑  
王聞是語以手掩耳作如是言咄哉大惡云  
何乃以此言使聞我耳即說偈言

你是呪誓言

設我有異心

使我成大惡

我不以染著

以珠與彼女

聽我說意故

業爲自在王

最勝業者說

此無宰王作

唯是業所造

心作於宰王

善業佛所歎

如是之妙色

更無宰我王

唯是善業作

善業我應敬

惡業我應離

過去作善業

果報於今現

我以於珠貫

衆寶雜莊嚴

額懸多邏羅

珠貫白如雪

我為宿功德

不為著色欲

若知善惡業

云何復著色

離遠尚不視

況當有染著

寧當飢渴死

不為非法貪

寧當入火聚

不為姦邪事

我如有愛著

今身若後身

受苦極無量

復次若有善業自然力故受好業報雖有國

王黨援之力不如業力所獲善報是故應當

修於善業我昔嘗聞憂悅伽王於晝睡眠有

二內官一在頭前一在脚底持扇捉拂共作

論議我等今者為王所念為以何事一則自稱

是我業力一則自稱我因王力由是之故奉給

於王時彼二人數聞聽法並解議論即說偈言

如牛厲度水

導正從亦正

人王立正法

從者亦如是

時彼二人由競理故其聲轉高一作是言我  
依王活第二者言我依業力王聞是聲即便  
睡悟而問之言何故高聲王又聞彼二人諍  
理雖復明知未斷我見援黨已者王心不悅  
即便向彼稱業力者說偈問言  
依於我國任 自稱是業力 我今試看汝

爲是誰力耶

說是偈已往夫人所語夫人言今當遣人來  
到汝邊汝好莊嚴如帝釋幢夫人答言當奉  
王教時王以蒲桃漿與彼依王活者送與夫

人既遣之已作是思惟稱業力者今應當悔  
作如是語作是念已未久之間彼業力者著  
好衣服來至王邊王見之已甚大生恚即說  
偈言

我為自錯誤

與彼殘漿耶

為是彼業力

強奪此將去

或能共親厚

與彼使將去

或是夫人瞋

奪此與彼乎

或能我迷誤

而與於彼耶

或能彼幻我

使我錯亂乎

說是偈已問彼人言好實語我汝恃業力我

故不遣汝云何得彼人白王以業力得即以

事狀具向王說此人奉使既出門已卒尔鼻

血即以此漿與我使送到夫人邊得是衣服

王聞是已即說偈言

業報如影響

亦如彼莊嚴

彼言自業力

此語信不虛

以聽法力故

言說合於理

彼稱業力者

斯言定有驗

我多於己負

彼憑業力勝

佛說業力強

此語信真實

佛為善御乘

業力為善哉

能壞王者力

十方佛世尊

亦說隨業力

汝今倚業力

用自莊嚴身

割絕於我力

復次雖與智者共為讎隙猶能利益是故智

人雖與為讎常應親近我昔曾聞摩突羅國

有婆羅門聰明智慧不信佛法亦不親近諸

比丘等共餘婆羅門先有鬪諍以瞋恚故詣

僧坊中詐爲妄語作如是言某婆羅門明日  
於舍設諸供具當作大會請諸比丘欲令比  
丘明晨往至其家不得飲食令彼惡名遍於  
世界時諸比丘於其晨朝往詣其家語守門  
人汝家主入請我飲食汝可往白時守門者  
入白主人今者門外有諸比丘云大家請故  
來相造主人聞已作是思惟何因緣故有如  
是事復作是念彼婆羅門與我爲怨故爲是  
事今雖臨中城邑極大遣人市具供諸比丘  
作是念已即時遣人喚諸比丘入舍就坐設  
種種食而以供養比丘食訖語檀越言汝今  
小坐比丘之法食訖應爲檀越說法汝雖不

信佛法應尔時彼主人即取小牀上座前坐  
為說施論戒論生天之論欲為不淨出世為  
樂乃至為說四真諦法此婆羅門已於過去  
種諸善根即於座上見四真諦得須陁洹而  
說偈言

咄哉愚癡力

能害於正見

愚者不分別

寶作非寶想

我今得勝利

分別識三寶

真實是我寶

佛法及聖眾

我已諦觀了

得聞三惡道

釋梵諸天等

所不能獲得

我今具獲得

今此婆羅門

即名為梵天

今當得趣向

解脫不死方

我今始獲得

婆羅門勝法

我本姓輸都

今日真輸都

今日使獲得

勝妙比陁法

我今得無漏

出過諸比陁

我今真實是

祠祀大福田

我當勤大祠

不能善分別

可祠不可祠

從今日已去

當供天中天

多陁阿伽陁

略說而言之

今日始得利

獲得人身果

從今日已往

當隨佛所教

終更不求請

其餘諸天神

我今歸命禮

宿世厭惡根

曾修法向法

獲今其果利

親近善知識

法利自然成

我若不親近

大悲弟子者

永當墮邪見

輪迴三惡道

若無婆羅門

為我怨讎者

亦不得親近

如此之聖眾

由彼瞋忿故

令我得是法

外相似惡友



實是善知識

恩過於父母

及以諸親戚

由此婆羅門

諸僧至我家

降注於甘雨

善牙悉得生

法雨甚潤澤

灑我心埃塵

埃塵既不起

得見真實法

是故世間說

因惡得財賄

自惟得大利

即受三歸依

於彼婆羅門

大設諸餽饍

復次若人精誠以財布施如華獲財業以知  
是事應至心施我昔曾聞罽賓國入夫婦共  
在草敷上卧於天欲明善思覺生作是思惟  
此國中入無量百千皆悉修福供養衆僧我  
等貧窮值此寶儲不持少寶至後世者我等  
衰苦則為無窮我今無福將來苦長作是念

已悲吟嘆息展轉哀泣淚墮婦臂尔時其婦  
尋問夫言以何事故不樂乃尔即說偈言

何故極悲慘  
數數而嘆息  
雨淚沾我臂

猶如以水澆

尔時其夫說偈答曰

我無微末善  
可持至後世  
思惟此事已

是故自悲嘆  
世有良福田  
我無善種子

今身若後身  
飢窮苦難計  
先身不種子

今世極貧窮  
今若不作者  
將來亦無果

尔時其婦聞是偈已語其夫言汝莫愁憂我

屬於汝汝於我身有自在力若賣我身可得

錢財滿汝心願尔時其夫聞婦此言心生歡

喜顏貌怡悅語其婦言若無汝者我不能活  
即說偈言

我身與汝身

猶如彼鴛鴦

可共俱賣身

得財用修福

尔時夫婦二人詣長者家作如是言可貸我  
金一月之後若不得者我等二人當屬於汝  
一月之後我必不能得金相償分爲奴婢一  
月之中可供養諸比丘僧尔時長者即便與  
金既得金已自相謂言我等可於離越寺中  
供養衆僧婦問夫言爲用何日荅言十五日  
又問何故十五日尔時其夫以偈荅言  
世間十五日 拘毗等天王 案行於世間

是佛之所說 欲使人天知 是故十五日  
介時夫婦二人竭力營造至十三日食具悉  
備送置寺上白知事人言唯願大德明十五  
日勿令衆僧有出外者當受我請彼知事人  
荅言可介於十四日夫婦二人在寺中宿自  
相勸喻而說偈言

告喻自己身

慎勿碎疲勞

安今得自在

應當盡力作

後爲他所策

作用不自在

徒受衆勞苦

無有毫釐利

說此偈已夫婦通夜不暫眠息所設餽饌至  
明悉辦夫語婦言善哉我曹所作已辦心願  
滿足得是好日賣此一身於百千身常蒙豐

足時有小國王施設飲食復來至寺而作是  
言願諸僧等受我供養知事人言我等諸僧  
先受他請更覓餘日時彼小王慇懃啓白我  
今以衆務所逼願受我請尔時諸僧嘿然無  
對尔時國王語彼夫婦言我今自打捷椎汝  
所造食當酬汝直時夫婦已聞此語向彼國  
主五體投地而白之言我之夫婦窮無所有  
自賣己身以設供具竟宿造供施設已辦唯  
於今日自在供養若至明日爲他策使不得  
自由願王垂矜莫奪我日即說偈言  
夫婦如鴛鴦 供設旣已辦 願必見憶念  
明當屬他去 夫婦各異策 更無猶福期

如是自賣身 乃為修善故

時彼國王具聞斯事讚言善哉即說偈言

汝善解佛教 明了識因果 能用虛偽身

易於堅財命 汝勿懷恐怖 恣聽汝所願

我為憐愍汝 以財償汝價 汝今自苦身

終大獲利樂

尔時國王說此偈已聽彼夫婦供養眾僧即

以財物為彼夫婦酬他價直又給夫婦自營

產業現受此報無所乏少

復次至心持戒乃至沒命得現果報我昔曾

聞難提跋提城有優婆塞兄弟二人並持五

戒其弟尔時卒患脅痛氣將欲絕時醫訖之

食新殺狗肉并使服酒所患必除病者白言  
其狗肉者為可於市買索食之飲酒之事願  
捨身命終不犯戒而服於酒其兄見弟極為  
困急賣酒語弟捨戒服酒以療其疾弟白兄  
言我雖病急願捨身命終不犯戒而飲此酒  
即說偈言

恠哉臨命終 破我戒瓔珞 以戒莊嚴身  
不煩殯葬具 人身既難得 遭值戒復難  
願捨百千命 不毀破禁戒 無量百千劫  
時乃值遇戒 閻浮世界中 人身極難得  
雖復得人身 值正法倍難 時復值法寶  
愚者不知取 善能分別者 此事亦復難

戒寶入我手 云何復欲奪 乃是怨憎者

非我之所親

兄聞偈已 荅其弟言 我以親故 不為沮壞 弟

白兄言 非為親愛 乃是殘敗 即說偈言

我欲向勝處 毀戒令墮墜 損我乃如是

云何名親愛 我勤習戒根 乃欲見劫奪

所持五戒中 酒戒最為重 今欲強毀我

不得名為親

兄問弟言 云何以酒為戒根本 弟即說偈以

荅兄言

若於禁戒中 不盡心護持 便為違大悲

草頭有酒滴 尚不敢棠觸 以是故我知



酒是惡道因

在家脩多羅

說酒之惡報

唯佛能別知

誰有能測量

佛說身口意

三業之惡行

唯酒為根本

復墮惡行中

往昔優婆夷

以酒因緣故

遂毀餘四戒

是名惡行數

復名五大施

亦是五無畏

酒為放逸根

不飲閉惡道

能獲信樂心

去慳能捨財

首羅聞佛說

能獲無量益

我都無異意

而欲毀犯者

略說而言之

寧捨百千命

不毀犯佛教

寧使身乾枯

終不飲此酒

假設犯毀戒

壽命百千年

不如護禁戒

即時身命滅

決定能使差

我猶故不欲

況今不定知

為差為不差

作是決定心 心生大歡喜 即獲見真諦

所患即消除

復次若信佛語於諸外論猶如嬰愚顛狂所  
說是故勤學佛法語論我昔曾聞有一國名  
釋伽羅其王名盧頭陀摩彼王數數詣寺聽  
法時彼法師說酒過失尔時王難高坐法師  
言若施他酒得狂癡者今飲酒亦多無狂癡  
報時法師指示外道等其王見已善哉善哉  
時有外道自相議言彼說法者無所知見空  
指而已王爲法師已又不解空稱善哉不能  
開解而答此問然此衆中亦有大聰明勝人  
何故不答王即說偈言

法師有聰辯  
護惜而不說

善能答此義

憐愍汝等故

諸外道言王爲此法師橫爲通道理王言我之所解更有異趣尔時王語法師言向所解義今可顯說法師答言我向以指外道者以諸外道各生異見有顛倒心是故名爲癡狂之人即說偈言

不必鬼入身

名爲顛狂者

邪見夜叉心

是爲說顛狂

狂癡之過失

不知解其事

汝等有狂過

一切種智說

汝違種智語

隨逐於邪見

現見於神變

彼大仙所辱

出過其禁限

顛狂先已成

云何使我說

百千種狂因

何故分別說

投淵及赴火

自墜於高巖

捨棄於施戒

逐迷邪狂倒

不修於正行

狂惑墜巖火

賣鹽壞淨行

飲觸恒河水

是名立正行

失淨及得失

有何因義趣

賣肉衆惡集

三種神足變

除此三種變

更亦有神變

唯有二六法

離此別無我

現見仙神變

更見十三法

如是顛狂事

其數乃有百

現見投淵火

自墜於高巖

以此欲生天

此但是邪見

戒施善調心

即是生天因

賣鹽壞善行

觸河除諸惡

賣鹽有大惡

觸河有大善

如是有何義

得名爲善惡

婆羅門賣肉

即墮於失法

捉刀亦失法

若復賣於肉

滿三十六斤

敗壞婆羅門

羅差及食蜜

皆名為失法

見羅差嘗蜜

二俱成過患

賣肉成殺生

羊稻俱有命

食稻不成殺

羊稻俱應食

何故食於稻

而不食於羊

汝諸言自殺

終不得生天

墜巖投淵冰

復言得生天

殺已言有罪

餒養己身者

何故不得福

觀察不順理

皆是愚癡倒

以是因緣故

名汝等為狂

此即是愚癡

羅刹之擲相

是故說汝等

成就顛狂法

此即是與酒

飲酒之因果

瞋恚是癡因

瞋恚而黑濁

能令顏色變

以是因緣故

瞋為瘦黑因

飲酒亦色濁

此二俱能瘦

目連見餓鬼

汝先自飲酒

亦教人飲酒

說言無罪報

是故今現在

已獲餓鬼身

華報已如是

果報方在後

諸婆羅門聞是語時多有外道即時出家

復次善分別敬功德不期於門族我昔曾聞

花氏城中有二王子逃走歸投末投羅國時

彼國中有一內官字拔羅婆為附傭國主供

養眾僧手自行食眾僧食已遣人斂草上殘

食持詣宮中向食作禮然後乃食餘者分張

與所親愛食彼殘食能破我惡是故先取食

之授與二王子王子食已心惡賤故出外即

吐而作是言出家之人種種雜姓我等今者  
食其殘食食已吐棄然後除過時附傭主聞  
是事已作如是言此二嬰愚極無所知即說  
偈言

得此餘食者

智者除過惡

彼生疑譏嫌

是名為嬰愚

佛法觀察食

外道覩悉無

沙門觀察食

能除煩惱障

餘食牟尼觸

應當頂戴敬

手捉殘食已

水洗已除過

附傭主後日更不與殘食時左右人問言何  
故不分食與二王子即說偈言

彼之不知解

沙門所食餘

自恃種族故

觸之言不淨

不生歡喜心

是故我不與

不識沙門姓 不食於彼食 不識我種姓  
不應食我食 沙門處處生 不如我種族  
我不如沙門 復不食我食 爲言無種姓  
亦無有年歲 如馬無種族 內官亦如是  
內官處處來 無有定方所 唯覩我富貴  
不看我種姓 但見富貴故 便食我殘食  
不食沙門食 是名爲嬰愚 沙門心自在  
具足七種財 不食沙門食 而食我餘者  
猶如超半井 不見有是處 見我有勢力  
王者之所念 便食我餘食 甘蔗種中生  
輸頭王太子 如是種族來 可不勝我耶  
彼之勝智者 不取其種姓 唯取其德行



種族作諸惡

亦名為下賤

具戒有智慧

是名為尊貴

時二王子聞此語已而作是言汝示正道即是我父自今以往敬承所誨即說偈言

汝今說種姓

殊為非法語

因行無有定

知解無定方

語議正解了

不名為邊語

如汝之所解

即是貴種族

復次若欲觀察知佛神變親詣塔寺供養佛塔我昔曾聞阿梨車毗伽國於彼城門有佛髮爪塔近有屋俱陁樹邊有井水時婆羅門而白王言若遊行時見於彼塔是沙門塚破王福德王是大地作一蓋主宜除此塔時王

信婆羅門語故即勅臣下令速却此塔明日  
我出時勿令復見時彼城神與諸民衆皆悉  
悲涕時諸優婆塞夷施設供養又然燈者作如  
是語我等今者是最後供養有優婆塞抱塔  
悲泣即說偈言

我今最後抱

汝之基塔足

猶如須弥倒

今日皆破傷

十力世尊塔

於今遂破滅

我若有過失

聽我使懺悔

衆生更不見

佛之所作業

尔時諸優婆塞作如是言我等今者可還歸  
家不忍能看人壞此塔時王後自遣人持鍬  
欲除往到其所塔樹盡無即說偈言

嗚呼甚可恠

舉城大出聲

猶如海濤波

不見十力塔

屜拘陁及井

莫知其所在

諸婆羅門等

深心生慙恠

彼王聞是已

生於希有想

時王作是念

誰持此塔去

即自往詣塔

莫知其所在

尔時彼王遣千餘人乘象馳馬四散推覓時

有老母在於道傍見彼諸人行來速疾即問

之言何為乃尔諸人荅言推覓塔樹彼老母

言我向於道見希有事有塔飛空并屜俱陁

不憶其井見諸人等首戴天冠頭垂華鬘身

著諸華持塔而去我見去時生希有想指示

去處諸人聞已具以事狀還白於王王聞歡

喜即說偈言

彼塔自飛去

為向天上耶

我今心信敬

極生大歡喜

若我破此塔

當墮於地獄

尔時王即向彼塔處大設供養此塔即今名

曰自移塔及樹井離毗伽城三十里住

復次佛塔有大威神是故宜應供養佛塔我

昔曾聞哩义尸羅國彼有塔寺波斯匿王以

薪火燒之佛復安一椶朽壞却之時彼國王

名拘沙陀那有一比丘求請彼王我今為塔

作椶願王聽取有大樹者王莫護惜王即語

言除我宮內所有樹木餘樹悉取得王教已

諸比丘等處處求覓於一樹邊有大池水上

有大樹名稱首伽樹龍所護持近惡龍故人  
無取觸其樹極大若復有人取枝葉者龍能  
殺之以是之故人無取近有人語言彼有大  
樹時比丘即將諸人賣持斧器欲往斫伐時  
復有人語比丘言此龍極惡比丘語言我為  
佛事不畏惡龍時有奉事婆羅門語比丘言  
彼龍極惡若伐此樹多所傷害莫斫破此樹  
婆羅門即說偈言

汝不聞彼賊

慳貪故作惡

而解脫一切

汝當憶此事

常應自擁護

莫為此樹故

自致於傷害

比丘復說偈言

汝為毒龍故

而自生貢高

我依人中龍

持彼亦自高

觀汝力為勝

如是我得勢

令使眾人見

我為敬佛故

今當捨身命

諸毒龍眾中

汝為作龍王

生大恭敬想

佛為柔調寂

及是眾中王

我今亦恭敬

如來婆伽婆

誰能降毒龍

而為弟子者

爾時比丘共婆羅門各競道理遂共鬪諍于

時比丘即伐其樹亦無雲雷變異之相時婆

羅門觀斯事已而說偈言

先若取枝葉

雲起雷霹靂

汝為呪所伏

為死至後世

彼時婆羅門說是偈已即便睡眠夢見毒龍

向己說偈

汝莫起瞋恚

此名見供養

非為輕毀我

吾身自負塔

况樹作塔根

而我能護惜

十方世尊塔

我當云何護

此林自生樹

而為佛塔故

如是自生樹

云何得戀惜

更有餘因緣

今當說善聽

我亦無勢力

德义迦龍王

自來取此樹

我云何能護

伊羅鉢龍王

及以毗沙門

躬自來至此

我有何勢力

而能拒捍彼

威德天龍等

如來現在世

及以滅度後

造立塔廟者

此二等無異

諸有得道者

人天及夜叉

名稱徧十方

世界無倫匹

如此名聞故

塔振懸寶鈴

其音甚和雅

遠近悉聞知

時婆羅門聞是偈故從睡眠寤即便出家

復次我昔曾聞有一羗老母背負酥瓠在路

中行見菴摩勒樹即食其果食已還渴尋時

赴井乞水欲飲時汲水者即便與水以先食

菴摩勒果之勢力故謂水甜美味如石蜜語

彼人言我以酥瓠易汝瓠水爾時汲水人即

隨其言與一瓠水老母得已負還歸家即至

其舍先所食菴摩羅勢力已盡取而飲之唯

有水味更無異味即聚親屬咸令嘗之皆言

是水有朽敗爛繩汁泥臭穢而極爲可惡汝

今何故持來至此旣聞斯語自取飲嘗深生



悔恨我何以故乃以好酥賀此臭水一切衆  
生凡夫之人亦復如是以愚無智故以未來  
世功德酥玩賀易臭穢四顛倒玩謂之為好  
於後乃知非是真實深生悔恨咄哉何為以  
功德酥玩賀易顛倒臭穢之水而說偈言  
咄哉我何為 以三業淨行 賀易著諸有

如以淨好酥

賀彼臭惡水

以食菴摩勒

舌倒不覺味

臭水為甘露

復次我昔曾聞有一長者婦為姑所瞋走入  
林中自欲刑戮既不能得尋時上樹以自隱  
身樹下有池影現水中時有婢使擔玩取水  
見水中影謂為是己有作如是言我今面貌

端正如此何故爲他持瓠取水即打瓠破還  
至家中語大家言我今面貌端正如何故  
使我擔瓠取水于時大家作如是言此婢或  
爲鬼魅所著故作是事更與一瓠詣池取水  
猶見其影復打瓠破時長者婦在於樹上見  
斯事已即便微笑婢見影笑即自覺寤仰而  
視之見有婦女在樹上微笑端正女人衣服  
非己方生慙恥以何因緣而說此喻爲於倒  
見愚惑之衆譬如蒼蔔油香用塗頂髮愚惑  
不解我頂出是香即說偈言  
末香以塗身 并熏衣瓔珞  
謂從己身出 如彼醜陋婢  
見影謂己有 倒惑心亦爾

復次猫生兒以小漸大猫兒問母當何所食  
母荅兒言人自教汝夜至他家隱窺器間有  
人見已而相約勑酥乳肉等極好覆蓋雞雛  
高舉莫使猫食猫兒即知雞酥乳酪皆是我  
食以何因緣說如此喻佛成三藐三菩提道  
十力具足心願已滿以大悲心多所拯拔爾  
時世尊作如是念言當以何法而化度之大  
悲荅言一切衆生心行顯現以他心智觀察  
煩惱一切諸行貪欲瞋恚愚癡之等長夜增  
長常想樂想我想靜想展轉相承作如是說  
不能增長無常苦空無我之法是故如來知  
此事已爲衆生說諸倒見對治如來說法微

妙甚深難解難入謂道解說云何而能為諸  
衆生說如斯法以諸衆生有倒見想觀察知  
已隨其所應為說法要衆生自有若干種行  
是故知如來說對治法破除顛倒如為貓兒  
覆肉酥乳

復次我昔曾聞有一國中施設石柱極為高  
大除去梯磴麤盧繩索置彼工匠在於柱頭  
何以故彼若存治或更餘處造立石柱使勝  
於此時彼石匠親族宗眷於其夜中集聚柱  
邊而語之言汝今云何可得下耶爾時石匠  
多諸方便即擲衣縷垂二縷綫至於柱下其  
諸宗眷尋以麤綫繫彼衣縷匠即挽取既至

於上手捉麤綫語諸親族汝等今者更可繫  
著小麤繩索彼諸親族即隨其語如是展轉  
最後得繫麤大繩索爾時石匠尋繩來下言  
石柱者喻於生死梯墜麤盧喻過去佛已滅  
之言親族者喻聲聞衆言衣縷者喻過去佛  
定之與慧言擿衣者喻觀欲過出味等法縷  
從上下者喻於信心繫麤縷者喻近善友得  
於多聞細繩者多聞縷復緣持戒縷持戒縷  
懸禪定縷禪定縷懸智慧縷以是麤繩堅牢  
繫者喻縛生死從上來下者喻下生死柱  
以信爲縷綫 多聞及持戒 猶如彼鹿縷  
戒定爲小繩 智慧爲鹿繩 生死柱下來

復次我昔曾聞有一國中王嗣欲絕時有王  
種先入山林學道求仙即疆將來立以為王  
從敷卧具人索於衣服及以飲食時敷卧具  
人而白王言各有所典王於今者不應事事  
盡隨我索我唯知敷卧具事洗浴衣食悉更  
有人非我所當以此喻可知一切諸業如王  
敷卧具人各有所典業亦如是各各不同色  
無病財物可愛智等諸業各各別異有業得  
無病有業能得端正色力如彼仙人從敷卧  
具人索種種物終不可得若生上族不必財  
富諸業受報各各差別不以一業得種種報  
若作端正業則得端正色力財富應從餘事

索是故智者應當修習種種淨業得種種報  
無病色種族 智能各異因 如彼仙人王  
責備敷敷者

復次我昔曾聞有一國王多養好馬會有隣  
王與共鬪戰知此國王有好馬故即便退散  
爾時國王作是思惟我先養馬規擬敵國今  
皆退散養馬何為當以此馬用給人力令馬  
不損於人有益作是念已即勅有司令諸馬  
群分布與人常使用磨經歷多年其後隣國  
復來侵境即勅取馬共彼鬪戰馬用磨故旋  
轉而行不肯前進設加杖捶亦不肯行衆生  
亦爾若得解脫必由於心謂受五欲後得解

脫死敵既至心意戀著五欲之樂不能直進  
得解脫果即說偈言

智慧宜調心 勿令著五欲 本不調心故

臨終生愛戀 心既不調順 云何得寂靜

心常耽五欲 迷荒不能覺 如馬不習戰

對戰而遊行

復次曾聞有一國王身遇疾患國中諸醫都  
不能治時有良醫從遠處來治王病差王大  
歡喜作是思惟我今得醫力事須厚報作是  
念已微遣侍臣多賣財物詣於彼醫所住之  
處爲造屋宅養生之具人民田宅象馬牛羊  
奴婢僕使一切資產無不備具所造既辦王



便遣醫使還其家時彼遠醫見王目前交無  
所遣空手遠歸甚懷恨恨既將至家道逢牛  
羊象馬都所不識問是誰許並皆稱是彼醫  
名是彼醫牛馬遂到家已見其屋舍莊麗嚴  
飾牀帳氍毹毼毼金銀器物其婦瓔珞種種  
衣服時醫見已甚生驚愕猶如天宮問其婦  
言如此盛事爲何所得婦荅夫言汝何不知  
由汝爲彼國王治病差故生報汝恩夫聞是  
已深生歡喜作是念言王極有德知恩報恩  
過我本望由我意短初來之時以無所得情  
用恨然以此爲喻義體今當說醫喻諸善業  
王無所與喻未得現報身無所得如彼醫者

交不見物謂無所得心生恨恨如彼今身修  
善見未得報心生恨恨我無得既得至家者  
猶如捨身向於後世見牛羊象馬群如至中  
陰身見種種好相方作是念由我修善見是  
好報必得生天既至天上喻到家中見種種  
盛事方於王所生敬重心知是報恩者檀越

施主得生天已方知施戒受如此報始知佛  
語誠實不虛修少善業獲無量報即說偈言  
施未見報時 心意有疑悔 以爲徒疲勞  
終竟無所得 既得生中陰 如見善相貌  
如醫到家已 方生大歡喜  
復次曾聞有二女人俱得菴羅果其一女人

食不留子有一女人食果留子其留子者覺  
彼果美於良好田下種著中以時澆灌大得  
好果如彼世人爲善根本多修善業後獲果  
報合子食者亦復如人不識善業竟不修造  
無所獲得方生悔恨即說偈言

如似得果食

竟不留種子

後見他食果

方生於悔恨

亦如彼女人

種子種得果

復生大歡喜

復次曾聞往昔有比丘名須彌羅善能戲笑  
與一國王誼譁歡悅稱適王意爾時比丘即  
從乞地欲立僧坊王語比丘汝可疾走不得  
休息盡所極處爾許之地悉當相與爾時比

丘更整衣服即便疾走雖復疲乏以貪地故  
猶不止住後轉疾極不能前進即便卧地宛  
轉而行須臾復乏即以一杖逆擲使去作如  
是言盡此杖處悉是我地已說譬喻相應之  
義我今當說如須彌羅為取地故雖乏不止  
佛亦如是為欲救濟一切衆生作是思惟云  
何當令一切衆生得人天樂及以解脫如須  
彌羅走不休息佛娑伽婆亦復如是為優樓  
頻螺迦葉耆掘摩羅如是等人悉令調伏有  
諸衆生可化度者如來爾時即往化度如須  
彌羅既疲乏已即便卧地宛轉佛亦如是度  
諸衆生既已疲苦以此陰身於娑羅雙樹倚

息而卧如迦尸迦樹斬伐其根悉皆墮落唯  
在雙樹倚身而卧猶故不捨精進之心度拘  
尸羅諸力士等及須跋陀羅如須彌羅爲得  
地故擲杖使去佛亦如是入涅槃時爲濟衆  
生故碎身舍利八斛四斗利益衆生所碎舍  
利雖復微小如芥子等所至之處人所供養  
與佛無異能使衆生得於涅槃即說偈言  
如來躬自度 優樓頻螺等 眷屬及徒黨  
優伽騫掘魔 精進禪度力 最後倚卧時  
猶度諸力士 須跋陀羅等 欲爲濟極故  
布散諸舍利 乃至遺法滅 皆是供養我  
如彼須彌羅 擲杖使來去

復次我昔曾聞哩义尸羅國有博羅吁羅村  
有一估客名稱伽拔吒作僧伽藍如今現在  
稱伽拔吒先是長者子居室素富復因衰耗  
遂至貧窮其宗親眷屬盡皆輕慢不以爲人  
心懷憂惱遂棄家去共諸伴黨至大秦國大  
得財寶還歸本國時諸宗親聞是事已各設  
飲食香花伎樂於路往迎時稱伽拔吒身著  
微服在伴前行先以貧賤年歲又少後得財  
寶其年轉老諸親迎者並皆不識而問之言  
稱伽拔吒爲何所在尋即語言今猶在後至  
大伴中而復問言稱伽拔吒爲何所在諸伴  
語言在前去者即是其人時宗親往到其所

而語之言汝是稱伽拔吒云何語我乃云在  
後稱伽拔吒語諸宗親言稱伽拔吒非我身  
是乃在伴中馳驢馱上所以然者我身項來  
宗親輕賤初不與語聞有財寶乃復見迎由  
是之故在後馱上宗親語言汝道何事不解  
汝語稱伽拔吒即答之言我貧窮時共汝等  
語不見酬對見我今者多諸財寶乃設供具  
來迎逆我乃爲財來不爲我身發此喻者喻  
如世尊稱伽拔吒爲得財物鄉曲宗眷設供  
來迎佛亦如是旣得成佛人天鬼神諸龍王  
等悉來供養非來供養乃供養作佛功德我  
未得道時無功德時諸衆生等不共我語况

復供養是故當知供養功德不供養我雖復  
廣得一切諸天人等之所供養亦無增減以  
觀察故

人天阿修羅 夜叉 乾闥婆 如是等諸眾

亦廣設供養 佛無歡喜心 以善觀察故

是供諸功德 非為供養我 如稱伽拔吒

指示諸眷屬 稱己在後者 其喻亦如是

大莊嚴經論卷第十五

曰

乞句 下音蓋 炬 音巨 肉揣 正作團 償 音常 擗蹠

也 下益反 倒肘 知柳反 鞞 居宜 窓牖 下音闕 闕 傾

視也 邏 郎賀 黨援 下于眷反 黨朋 厲渡 上音



作 砒 履 石 鼻 血 下 娘 六 反 馮 憑 下 二 同 錫 錫 昔

酬 仇 也 正 也 下 丘 逆 突 徒 骨 相 造 下 七 到 祠 祝

上 祭 音 詞 也 也 作 隙 上 音 反 每 下 呼 反 就 也 居 例

貸 借 他 代 也 反 策 楚 責 反 捷 椎 直 上 音 乾 下 正 反 作 稗 稗 名

此 無 正 翻 西 土 無 鍾 磬 故 以 此 代 脅 脇 虛 業

肋 也 俗 詆 同 前 反 似 傳 寫 誤 矣 此 反 掩 沮 反 時 壤

也 棠 觸 上 宅 耕 淵 鳥 懸 反 巔 山 音 顛 也 鹽 益 同

下 俗 稻 禾 道 前 紆 飼 也 傭 容 爪 之 巧 反 鈇 選

反 鑄 禾 道 前 紆 飼 也 傭 容 爪 之 巧 反 鈇 選

反 鑄 禾 道 前 紆 飼 也 傭 容 爪 之 巧 反 鈇 選

反 鑄 禾 道 前 紆 飼 也 傭 容 爪 之 巧 反 鈇 選

反 鑄 禾 道 前 紆 飼 也 傭 容 爪 之 巧 反 鈇 選

